

PODACI O SASTANKU - OC O 5.5.3

CILJ: V sjednica Privrednog savjeta Općine Centar Sarajevo
Uvod
Prezentacija poticaja na području Općine Centar Sarajevo te
razmatranje mogućnosti unaprjeđenja istih
Rasprava i prijedlozi o taksama na istaknutu firmu
Informacija o BFCu
Prezentacija budućih projekata na Općini Centar Sarajevo
Usvajanje novih članova Privrednog Savjeta

UČESNICI: U prilogu tekstu

MJESTO: Sarajevo, Hotel Bosnia, Kulovića br.9

DATUM: 01.11.2017. godine

VRIJEME: 11,00 sati

DUŽINA: 90 minuta

DATUM
01.11.2017. godine

SAZIVAČ SASTANKA
Općina Centar uz podršku
Grupacije Svjetske banke

ZABILJEŠKE: Sastanak je otvorio i uputio dobrodošlicu prisutnim Direktor Hotela Bosnia Gospodin Enver Malagić.

Na početku sastanka prisutni su se predstavili pa je potom sastanak nastavio gospodin Predrag Slomović, šef odsjeka LER Općine Centar Sarajevo, sa kratkom prezentacijom poticajni sredstava koja su implementirani u budžetu Općine Centar Sarajevo za 2017.godinu. Članovi Privrednog Savjeta nisu imali konkretnih zamjerki na predstavljena poticajna sredstva.

Nakon toga, načelnik i predsjedavajući Privrednog savjeta Prof.dr. Nedžad Ajnadžić prisutnim ukratko obrazložio aktivnosti Općine Centar Sarajevo, planirani projekte u narednom periodu, te pozvao sve prisutne da svojim sugestijama doprinesu radu Privrednog Savjeta i poseban osvrt napravio na budžet Općine Centar Sarajevo za 2018.godine i pozvao članove Privrednog Savjeta da učestvuju u javnoj raspravi nacрта budžeta, kako bi isti unaprijedili skladno s potrebama privatnog sektora. Kao jedan od zaključaka Načelnik je predložio da se formira tim u sastavu Spahić Husein, Ramadanović Muhamed, Terović Jasmin i Pašić Predrag. Ovaj tim će biti zadužen za promociju predkvalifikacijskog poziva za stadion Koševo.

Sljedeća tačka dnevnog reda V sjednice PS bila je Odluka o komunalnim taksama Općine Centar Sarajevo kojom su propisane takse na istaknutu firmu. Gospodin Hadžić Amir, predsjednik udruženja Hotelijera i ugostitelja BiH, predložio je izmjene pomenute Odluke u dijelu takse na istaknutu firmu za Hotele, jer gosp. Hadžić smatra da s obzirom na kategorizaciju Hotela i veličinu istih nije pravedno da svi istu taksu plaćaju. Također smatra da se Tarifni broj 4. iste Odluke, koji se odnose za dnevnu taksu za održavanje žive muzike u ugostiteljskim objektima, nezakonit i da bi se trebao ukloniti iz Odluke.

Gospodin Malagić Enver pokrenuo je pitanje Kantonalne komunalne takse za odvoz smeća, koja se računa po m², a ne po realno učinjenom, jer smeće ne proizvodi površina već drugi faktori. Ovu konstataciju podržao je i gospodin Terović Jasmin i gospodin Kahvedžić Goran, te su istakli probleme koje imaju zbog ovako propisane takse.

Prisutni su se izjasnili da nemaju ništa protiv usvajanja novih članova Privrednog savjeta a to su: Baždar Elvira i Kadrić Mubera iz Privredne Komore KS, Hadžić Amir predsjednik udruženja Hotelijera i ugostitelja, Efendić Hamdija direktor zavoda za planiranje.

Pored usvajanja novih članova doneseni su sljedeći zaključci:

ZABILJEŠKE:

- 1.) Članovima Privrednog Savjeta će se ostaviti mogućnost pismenog izjašnjavanja o poticajnim sredstvima Općine Centar Sarajevo, Odluke o komunalnim sredstvima i o nacrt budžeta Općine Centar Sarajevo, kako bi se navedeno unaprijedilo na osnovu potreba realnog sektora.
- 2.) Formiranje tima za promociju predkvalifikacijskog poziva za Koševo stadion, kada isti bude izrađen
- 3.) Prilikom izmjene Odluke o komunalnim taksama, stručna lica Općine Centar Sarajevo predložit će sugestije Privrednog savjeta, Općinskom vijeću Općine Centar Sarajevo
- 4.) Privredno vijeće je prihvatilo članstvo novih članova u Vijeću.
- 5.) Općina Centar će pokrenuti inicijativu za izmjenu komunalnih taksi za odvoz smeća.
- 6.) Članovima Privrednog savjeta se daje mogućnost predlaganja novih članova i eventualnih tema sljedećih sjednica Privrednog savjeta u cilju unaprjeđenja rada Privrednog savjeta.